



## MOCIÓN PARA QUE SE VALOREN OS DANOS PRODUCIDOS POLO TEMPORAL DO DÍA 13 DE XULLO NO CONCELLO DE SAN CRISTOVO DE CEA

*Manuel Pérez Vázquez e María Elvira Fernández Fernández, concelleiros do Bloque Nacionalista Galego (BNG) en San Cristovo de Cea, presentan ao Pleno da Corporación a seguinte Moción.*



### ANTECEDENTES

O día 13 de xullo produciuse unha tormenta con abundante saraiba e ventos furacanados que provocaron múltiples danos materiais en edificacións, instalacións, cultivos e árbores. Os produtos do agro: hortas, tarreos, árbores frutais, millo, patacas e viñedos foron gravemente afectados polo temporal, provocando a perda de colleitas, caídas de árbores, arrastre de terras e bloqueo de camiños e vías de comunicación.

O temporal tamén afectou tamén as últimas obras de bacheados de pistas e camiños, que foron improvisadas durante as pasadas eleccións, con escaseza de material e mala execución na obra, destapando baches ou fochancas, arrastrando a grava para diante da fachada de casas, tapando regos, caneiros e desaugues, obstruíndo a entrada de fincas ou invadindo as mesmas, tupindo as fontes e as zonas baixas, tal como pode verse nas fotos que se axuntan.

Considerando que os danos son moi importantes para varias zonas do concello, e para que o asunto non quede esquecido polo Concello nin este mire para outro lado, tal como ten sucedido noutras ocasións con xeadas, etc., o grupo municipal do BNG presenta ao Pleno da Corporación a seguinte proposta para que se apruebe á maior brevidade,

### PROPOSTA

**Que o Concello de San Cristovo de Cea se encargue de efectuar unha valoración exhaustiva dos danos provocados polo temporal do día 13 de xullo e de facilitar aos particulares afectados a solicitude de axudas que a tal fin deberían ofrecer as institucións públicas.**

San Cristovo de Cea a 16 de xullo de 2019

Asdo: Manuel Pérez Vázquez

M.ª Elvira Fernández Fernández

SR. ALCALDE DE SAN CRISTOVO DE CEA